

ԵՐԱԺՅՏԱԿԱՆ ՆԿԱՏՈՂՈՒԹԻՒՆՆԵՐ

ԳՐ. ՆԱՀԱՊԵՏԵԱՆԻ

III

Ոչ մի տարի Թիֆլիսում չենք ունեցել այնքան համերգական երեկոներ, որքան այս տարի և այդ երեկոները լաճախողների թիւն էլ այս տարի անցեալ տարիներէջ անհամեմատ մեծ էր: Հասարակութիւնը ուրախութեամբ էր լաճախում այդ համերգական երեկոները, ուշադրութեամբ լսում էր և մինչև անգամ պահանջում կրկնելու մի քանի ՁԵՁԵ (կտորները): Մի խօսքով համերգական երեկոները հասարակութեանը դուր եկան և այդ ամենի համար պէտք է շնորհակալ լինել պ. Խաչուրիտով-Իւանովին, որը լանձն սուաւ անվարձ կազմակերպել հինգ համերգական երեկոներ մեծ պատի ընթացքում:

Այդ կոնցերտներում կատարւում էին դանաղան պիէսներ, ինչպէս դասական, նոյնպէս և ժամանակակից րէպէրտուարից: Իբրև սոցիալիստներ բեմ դուրս եկան տիկ. Ունտիլովա, պարոններ՝ Սարաջև, Կոլչին, Պրեման և ուրիշները: Աս մանրամասնաբար չեմ քննադատելու բոլոր կատարած կտորները, նոյնպէս մանրամասնաբար չեմ կանգ առնիլ բոլոր սոցիալիստների արժանաւորութիւնների վրայ: Այսքանը միայն կասեմ, որ տիկ. Ունտիլովան լաւ նւագող է, կատարելագործած մեքան իկականութեամբ և որ առհասարակ նրա խաղը ամփոփ մի տպաւորութիւն է թողնում. միայն մի բան աչքի է ընկնում. այդ նրա կոտորուելն է ածելու ժամանակ: Տիկինը անհամեմատ աւելի մեծ տպաւորութիւն կը գործէր, եթէ կարողանար իրան հանդիստ և շնորհալի պահել դաշնամուրի առջև, ինչպէս այդ պահանջում է դաշնամուրի նորագոյն շկոլան: Պր. Սարաջևը հիանալի վիօլոնչիստ է և լաւ երաժիշտ, ամբողջ միայն, որ նրա գործիքը երբևէն ճոճւում է, բաւց դա հէնց իրա գործիքի մեղն է և ոչ նրա տիրոջ: Պր. Կոլչինը, տէր Աստուած! միթէ կարելի է նրան ջութակահար սուլիստ անւանել, ձշմարիտ է նա լաւ մեքանիկա ունի,

հիանալի ջութակ, բայց ավել ամենը ասն չէ, ինչ որ հարկաւոր է. նա զուրկ է ամենագլխատրից, նա չունի ասն ինչ որ անհրաժեշտ է ջութակահարին—նա տոն (ТОН) չունի։ Այդ պատճառով նրա խաղը վերին աստիճանի թույլ է և չը կատարելագործւած, թէև տէխնիքական տեսակետից մաքուր է։ Նրա խաղի մէջ մի ինչ որ պակաս է, ոչ լիապէս գոհացնող տպաւորութիւն թողնելով։ Նրա խաղը կարծես մի ինչ որ լաւ բանի արձագանքը լինի, կամ թույլ ստւերը։

Պ. պ. Մատկովսկի և Պրեսման... բայց լաւ է, որ ես նրանց մասին ոչինչ չգտնեմ, որովհետեւ ալժմա աշխարհիս երեսին ալեքան շատ են դաշնամուրի վրա լաւ նագորդները, որ նագեղ ավել պարոնների պէս և solo բնով դուրս գալ կոնցերտներում—մի քիչ բիսկի բան է։

Գուցէ ընթերցողները կամենան լսել նաև նագաժու Բարտենեւի մասին, որը կարծես եկել էր Թիֆլիս լատկապէս երկու անգամ ինչ կոնցերտներ տալու համար. — սակայն անցնենք գործին։

Այդ կոնցերտներում կատարւած գրաւորներից առանձին ուշադրութեան են արժանի՝ Մոցարտի, Ծումանի և Ծուբերտի սիմֆոնիաները, Բիզէի «l'Arlésienne» սիւլլիտան ¹⁾, «Սիլֆների պարը» և «Հունգարական քաղերգը» (маришь) հեղինակութիւն Բէրլիօզի։

Մոցարտը, Ծուբերտը, Ծումանը և Նոյն իսկ ինքը մեծն Բեթհովենը երաժշտական հսկայի-Յոհան Սեբաստիան Բախի չաջ ուղն երեսին, որը վախճանել է մօտ 150 տարի սրանից առաջ։ Երաժշտական գրողներից առաջինն է եղել Մոցարտը, ամենավերջինը (կամ ամենանորագունը) Ծումանը։ Այդ է պատճառը, որ Մոցարտի գրաւորների մեծ մասը ալժմ ոչ թէ գոհունակութեամբ, այլ Նոյն իսկ չը կամութեամբ է լսուած, ասն ինչ Ծումանի հեղինակութիւնները մինչև անգամ լաւ երաժիշտներին երբեմն անհասկանալի են թւում։ Բանը պարզ է. Մոցարտը աչքի առաջ ունէր գլխատրապէս Բախին, ասն ինչ Բեթհովենը միահաւասար օգտուած էր Բախից և Մոցարտից։ Ծուբերտը աւելի բախտաւոր գտնեց՝ բնութեամբ բոմանտիք լինելով նա ըմբռնեց Մոցարտին չատուկ վալսլուիւնը և շնորհալիութիւնը և Բեթհովենի մաքերի բնածին հարստութիւնը և խորութիւնը և ավել ամենը հաշտեցրեց իւր կուսական բոմանտիքական բնութեան մէջ։ Իսկ Ծումանը, Բախի և Ծուբերտի ամենաթունդ պաշտողը լինելով կատարեալ իրաւամբ պիտի համարւի գերմանական բոմանտիստի իսկական ներկայացուցիչը։

Ի հարկէ, վերոլիշեալ համերգական կոնցերտներում ամենեին չէր

¹⁾ Սիւլլիտա անանւում է աշնայիսի նագախմբալին մի գրաւոր, որը բաղկացած է առանձին փոքրիկ մասերից, որոնք իրար հետ կապւած են մի ընդհանուր զաղախարով։

պահպանւած պատմական հետեւողութիւնը: Եւ ինչպէս էր կարող պահպանւած լինել:

Առ ալժամ մենք նրանով էլ պիտի բաւականանանք, որ Թիֆլիսում բացի օպերաներից մեզ հնարաւորութիւն են տալիս ծանօթանալու և համարակա՛ն երաժշտութեան հետ:

մալիս 31.

Վաղուց սպասւած Դահլամեանը վերջապէս տւեց իւր կոնցերտը երեկ՝ արքունական թատրոնում: Թատրոնը ծալքէ ի ծալք լի էր. հանդիսականների մեծամասնութիւնը հաւերն էին կազմում: Ամենալն անգամ երբ երգիչը բեմ էր դուրս գալիս՝ օդը թնդում էր ծափահարութիւններով, մանաւանդ երբ նա երգեց «Ջալն տուր ու ծովակ»: Նա ստացաւ մի ահագին պոսակ և «կեցցէ Դահլամեան» կրող թերթիկներ թափւեցան երգչի վրա երբ նա առաջին անգամ ներկայացաւ հասարակութեան:

Ժամանակի սղութեան պատճառով—հետեւեալ անգամ ես կը խօսեմ աւելի մանրամասն կերպով Դահլամեանի արժանաւորութիւնների և պակասութիւնների մասին իբրեւ երգչի: Առաւժամ աւաքտեմ կասեմ որ Դահլամեանը ունի հիւանալի տենոր ձայն՝ մեծ չափի և շատ դուրեկտն տեմբրի—մանաւանդ բարձր նոտաներում, աչն ինչ իսկապէս պահանջւում է տենորից:

Եթէ Դահլամեանի երաժշտականութիւնը համեմատ լինէր նրա բնապարգեւ հրաշալի ձայնին—նա իրաւամբ կարող էր հրաշքներ գործել: Բայց առաւժամ աղբ ալդպէս չէ: Պէտք է լուսաւ որ ժամանակով շնորհիւ պրակտիկալի նա ձեռք կը բերի և երաժշտականութիւնը և երգել լմանալը: Այս պատճառով սխալ կը լինի եթէ ընդունենք որ Դահլամեանը արդէն կատարելագործւած երգիչ է և աչն էլ կոնցերտալին: Օպերալում նա շատ աւելի իւր տեղումը կը լինի՝ քանի որ օպերալին երգչից շատ աւելի քիչ է պահանջւում նրբութիւն երգի մէջ, քան կոնցերտալին երգչից:

Ներկայումսս պ. Դահլամեանը հրաւիրւած է Պետերբուրգի՝ ռուս օպերալին թատրոնը: